

**UGOVOR  
O KUPOPRODAJI SLUŽBENIH MOTORNIH VOZILA**

22 -10- 2018

**Ugovorne strane:**

1. **MINISTARSTVO UNUTRAŠNJIH POSLOVA KANTONA SARAJEVO**, ulica La Benevolencije broj 16, Sarajevo, kojeg zastupa ministar Vedran Mulabdić (u daljem tekstu: Kupac)
2. **“BLOK” d.o.o.** Sarajevo, ulica Srđana Aleksića br. 26, Sarajevo, kojeg zastupa direktor Danijel Despotović, (u daljem tekstu: Prodavac)

**PREDMET UGOVORA**

**Član 1.**

Predmet ugovora je nabavka dva putnička višenamjenska vozila - Peugeot partner tepee active 1,6 Blue HDi 100 KS (LOT 4) i jednog teretnog motornog vozila - Peugeot partner FG confort 1,6 Blue HDi 100 KS (LOT 5) za potrebe Ministarstva unutrašnjih poslova Kantona Sarajevo, a prema objavljenom obavještenju o nabavci broj 1364-1-1-23-3-19/18 od 05.06.2018. godine, a na osnovu Odluke o izboru ponuđača broj 01-14-4-3972 od 31.07.2018. godine.

Ponude Prodavca broj 288/18 i 289/18 od 04.07.2018. godine kao i Izvještaji o toku i završetku e-aukcije od 23.07.2018. godine su sastavni dio ugovora.

**VRIJEDNOST UGOVORA**

**Član 2.**

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudama Prodavca na osnovu kojih je, zajedno sa elementima iz tenderske dokumentacije i sačinjen ovaj ugovor.

**Vrijednost ugovora sa uračunatim PDV-om za LOT 4 iznosi 49.772,97 KM**  
(četrdesetdevethiljadasedamstosedamdesetdvije i 97/100 KM).

**Vrijednost ugovora sa uračunatim PDV-om za LOT 5 iznosi 24.305,58 KM**  
(dvadesetčetirihiljadetristopet i 58/100 KM).

**Ukupna vrijednost ugovora sa uključenim PDV-om iznosi 74.078,55 KM.**  
(sedamedestčetirihiljadeseđmadesetosam i 55/100 KM).

**ROK ISPORUKE**

**Član 3.**

Prodavac se obavezuje da će robu iz člana 1. ovog ugovora isporučiti najkasnije u roku od 60 (šezdeset) dana od dana potpisivanja ugovora na adresu ugovornog organa, Zmaja od Bosne br. 9, Sarajevo.

Sve troškove isporuke do primopredaje, kao i troškove reklamacije snosi Prodavac.

Prodavac se obavezuje da će odmah postupiti po eventualnim primjedbama Kupca u pogledu nedostataka na ime izvršene nabavke iz člana 1. i 2. ovog ugovora.

Kašnjenje u realizaciji ugovora povlači obračun ugovorne kazne u visini od 1% od vrijednosti ovog ugovora za svaku punu sedmicu kašnjenja do urednog ispunjenja, s tim da ukupan iznos ugovorne kazne ne može biti veći od 10% od vrijednosti ovog ugovora.

## **NAČIN PLAĆANJA**

### **Član 4.**

Plaćanje će se izvršiti na sljedeći način:

- 30% od vrijednosti ugovora avansno uz obezbjeđenje bezuslovne bankarske garancije za avansno plaćanje, a 70% po ispostavljenoj fakturi za isporučenu robu najkasnije u roku od 30 dana od dana ispostavljanja fakture.

## **GARANCIJE**

### **Član 5.**

Cijena i ostali elementi ugovora se ne mogu mijenjati.

Prodavac je dužan u roku od 10 (deset) dana od dana zaključivanja ugovora, dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

### **Član 6.**

Garancija Prodavca na isporučena motorna vozila (LOT 4) je 3 (tri) godine na motor, 12 (dvanaest) godina na karoseriju i 3 (tri) godine boju (bez obzira na pređeni broj kilometara) od dana isporuke.

Garancija Prodavca na isporučeno motorno vozilo (LOT 5) je 3 (tri) godine na motor, 5 (pet) godina na karoseriju i 2 (dvije) godine boju (bez obzira na pređeni broj kilometara) od dana isporuke.

Prodavac se obavezuje da, po potrebi Kupca obezbjedi originalne rezervne dijelove i servisiranje vozila koje pokriva garancija u toku trajanje garantnog perioda.

Ova obaveza Prodavca se ne odnosi na kvarove koji nastanu kao posljedica nestručnog rukovanja i više sile.

### **Član 7.**

Ukoliko Kupac ocjeni da ponuđena roba nije u skladu sa datom ponudom iz člana 1. ovog ugovora, Kupac može jednostrano, bez saglasnosti prodavca, raskinuti ovaj ugovor.

## RJEŠAVANJE SPOROVA

### Član 8.

Na ostala prava i obaveze ugovornih strana, koja nisu regulisana ovim ugovorom primjeniće se Zakon o obligacionim odnosima.

### Član 9.

Eventualno nastale sporove pri realizaciji ovog ugovora, ugovorne strane će riješavati sporazumno, a u slučaju da se ne riješe sporazumno, utvrđuje se nadležnost suda u Sarajevu.

### Član 10.

Svaka od ugovornih strana može otkazati ovaj ugovor u pisanoj formi, uz otkazni rok od 15 (petnaest) dana iz razloga koji su utvrđeni u Zakonu o obligacionim odnosima.

## ZAVRŠNE ODREDBE


### Član 11.

Ugovor stupa na snagu danom potpisivanja obje ugovorne strane i traje do realizacije isporuke.

### Član 12.


Ovaj ugovor je sačinjen u četiri (4) istovjetna primjerka, od kojih po dva (2) zadržava svaka ugovorna strana.

PRODAVAC  
„BLOK“ d.o.o. SARAJEVO

  
\_\_\_\_\_  
direktor  
Danijel Despotović

Datum: 16.10.2018  
Broj: \_\_\_\_\_



KUPAC  
MINISTARSTVO UNUTRAŠNJI POSLOVA  
KANTONA SARAJEVO  
  
\_\_\_\_\_  
minister  
Vedran Mulabdić

Datum: 01.10.2018  
Broj: 01-14-6-687

